



Teniente General Verkerk di bishita serca Prome Minister Eman

PROME Minister Mike Eman a ricibi un bishita di cortesia di Teniente General Verkerk, kende a wordo compaña pa e.o. Comandante Ten Hove di Mariniers Kazerne Savaneta.

For di september ultimo Teniente General Verkerk, kende a ocupa varios

funcion di peso den Defensa, tin e comando di e forzanan maritimo y ta ocupa e funcion di Admiral Benelux. Actualmente Verkerk ta haciendo un bishita di trabou den Caribe.

Prome Minister Mike Eman a combersa riba varios topico cu Teniente General Verkerk.



Oktober 10, 2015
www.awemainta.com
noticia@awemainta.com

facebook.com/awemainta
tel: 583-1400

Dijtham
We've got it




BOSCH

UP TO
35% OFF

ON THE WHOLE
BOSCH RANGE

This Dijtham offer is valid till October 31, 2015. Not valid in combination with other discounts.


 DijthamAruba - www.dijtham.com - Schotlandstraat 67 - Tel. 588 9526


INVEST SECURE N.V.

represents



avigilon

THE BEST EVIDENCE™

For more information
Call 582-7252 / insec@setarnet.aw



Hunta Comisario di WEB Aruba N.V. a tuma decision caba,

Luis Oduber lo bira e proximo Director di WEB Aruba N.V., mientras cu ta buscando awor un CFO

MINISTER

di Energia, Mike de Meza a confirma cu Hunta Comisario di WEB Aruba N.V. a tuma decision caba, cu Luis Oduber lo t'e proximo Director General di e compania, despues cu Oslin Boekhoudt a pidi su retiro. Tambe Hunta Comisario a dicidi cu lo bin un di dos director statutair, kende t'e Director Financiero (Chief Financial Officer), cu WEB Aruba N.V. de facto no tabatin.

Tin vacatura tambe na WEB Aruba N.V. pa tin un Director Tecnico, p'e ultimo aki, no tin un decision ainda. P'e funcion di CFO, ta buske pa haya un persona p.e. un Register Accountant, un Bedrijfseconoom, pa supervisa henter e operacion financiero/administrativo di un compania grandi manera WEB Aruba N.V. Un persona asina, sigur lo ta beneficioso pa WEB Aruba N.V. pa seguridad financiero administrativo p'e compania.

E ta un posicion tambe cu ta requeri masha

responsabilidad, pesey dicho persona mester tin hopi experiencia di p.e. mundo bancario, mundo financiero, mundo di inversion, etc. Tin ainda no tin un decision, mas bien tin evaluacion ta wordo haci. Asina p.e. e Big-4nan tambe ta wak e plan organisatorio di WEB Aruba N.V., sigur pa loke t'e top, pa bin cu recomendacionnan.

Utilities cu ta representa e accionnan di e companianan di utilidad ta bezig cu esaki, segun Minister Mike de Meza.



Mas detencion den caso di atraco di taxista Ronny Gomez

AYERA madrugada, Team di Atraco a haci un entrada hudicial na un cas na Seroe Patrishi pa detene un sospechoso mas relaciona cu e caso di atraco riba e taxista, Ronny Gomez na South Beach. Manera por corda e sospechosonan a dispare e taxista den su cara, te cu a teme cu e lo perde un wowo.

Ronny Gomez mester a bula bay Colombia pa haya tratamiento medico specialisa, unda a logra scapa e wowo. Mientrastanto e ta bek, pero ainda no por traha.

Ayera den oranan di madrugada e Team di Atraco a sali pa haci otro detencion e biaha aki riba e sospechoso A.D. Geerman di 19 aña biba na Sero Patrishi, kende for di prome momento caba tabata menciona como sospechoso, pero Polis no a logra pone man riba dje.

Ayera mainta, ora cu Polis tabata sigur cu e ta na cas, a bay p'e. Y bingo, y asina cu Team di Atraco lo atrap'e y detene.

Si nos no ta equiboca, A.D. Geerman ta di 5 detenido den e caso aki cu a hala masha atencion, y asina mes por spera mas detencion. Pueblo sigur ta masha contento, cu autoridadnan di husticia poco-poco pero sigur tin tur e anti-socialnan tras di trali, dunando pueblo confianza cu Polis tey pa defende pueblo.





Contrato di hedging no tin nada di haci cu contrato di entrega di fuel di mal calidad

Porfin Minister Mike de Meza ta admiti cu hedging contrato ta firma demasiado prematuro

PA STRAÑO cu por zona, Minister di Energia, Mike de Meza a bisa cu e contrato di hedging no ta mara n'e calidad di fuel, cu WEB Aruba N.V. tin cu haya.

Si e calidad di fuel no ta bon, mando di WEB Aruba mester ta hopi cauteloso, pasobra nan no por bay acepta sin mas un calidad inferior y cu sigur no ta di acuerdo cu locual a sera un contrato pa haya dicho fuel.

Den un contrato cu cualkier supplier pa bo componente asina importante pa bo operacion, bo tin bo specsnan di calidad y e supplier mester sa di cumpli cu esey tambe.

Si no cumpli cu e calidad di fuel-oil bo ta haci daño na bo maquinaria y e ora ey WEB Aruba no por garantisa suministracion di p.e. coriente di calidad.

E mandatario a bisa di lo papia cu esnan concerni y lo urgi tambe Director di Utilities N.V. pa asumi su responsabilidad y tuma accion pa evita esaki. Pasobra calidad di fuel-oil ta hopi importante.

Un biaha mas, esey ta los di e hedging, segun de Meza, pasobra a base di e contract firma, ta cumpra e producto.

Minister Mike de Meza a admiti cu aña pasa ora cu a firma e contrato di hedging, e no a tuma lugar

transparente, tampoco e hecuto transparente tampoco. Esey ta un lastima, pasobra awe por mira su consecuencia, ya cu e no a wordo ehecuto n'e momento a decuado tampoco.

Pasobra esaki a tuma lugar net momento cu prijs di crudo tabata bahando a tuma e decision ey, maske ningun hende por pronostica kico ta pasando.

Anto tabata na su lugar pa duna mercado su tempo pa haci un bon analisis, pesey Minister Mike de Meza ta haya cu e decision ey a ser tuma mucho "prematuro" y na di dos lugar, no n'e mihor momento. Y mas ainda, no n'e manera mas transparentemente posibel.

Segun Minister Mike de Meza, eseynan tabata e problemanan mas grandi cu e tabatin cu dicho decision. Pesey lamentablemente,

el a tuma lugar, y nos tin cu biba cu esey.

Pero kende ta of a carga consecuencia p'esaki? Ningun hende, e unico retiro cu a cay ta pa Oslin Boekhoudt

A logra tog di haci ahustacionnan caminda tabata por, caminda ta responsabel y lo sigui traha con lo por alivia consumidor mas tanto posibel.

Ya caba por a "down-wine", kita un parti di hedging, cu mester a mov'e dilanti, pa WEB Aruba N.V. por a haci uso di e prijsnan abao cu tin y e prome lunanan cu por a usa esaki, a aplica esaki pa WEB Aruba N.V. sali for di cora y estabiliza e situacion financiero di e compania y haci'e saludable atrobe.

Tur dia WEB Aruba N.V. su situacion financiero ta birando mihor y asina dentro di un luna of dos, e situacion lo ta completamente bon atrobe y por cumpli cu tur su rationan, cumpli cu tur su financiadornan, p'e siguiente paso, lo duna un rebaho di coriente, cu lo ta den curso di fin di aña.

Di acuerdo cu Resumen Mensual di juli 2015 di BCA

Credito Domestico a aumenta

DEN E luna di juli 2015, e cantidad di placa den circulacion a baha cu Afl. 8,1 miyon te na Afl. 3.601,2 miyon, causa pa un caida di Afl. 36,0 miyon den e reserva di divisa netto y un expansion di Afl. 27,9 miyon den e activo domestico netto.

E caida den e reserva di divisa netto ta debi na benta netto di divisa dor di banconan comercial na publico asocia principalmente cu pagonan pa mercancia, e asina yama "income account", transferencia coriente como tambe e transferencianan netto pa cuentanan den exterior di companianan local.

E benta aki a wordo parcialmente mitiga pa compra netto di divisa dor di banconan comercial for di publico relaciona cu turismo y otro inversion.

Un aumento den credito domestico di Afl. 37,6 miyon, cu a wordo parcialmente mitiga pa un bahada den transaccionnan no relata na

credito di Afl. 9,6 miyon, a causa e subida den e activo domestico netto. Credito domestico a aumenta dor di subidanan den credito bancario na sector priva y e sector publico.

E aumento den credito na sector priva a wordo causa pa expansion den credito na tanto empresa como hipoteca pa vivienda.

Di otro banda, credito na consumidor a baha. E aumenta den credito bancario n'e sector publico a

wordo causa principalmente pa un caida den depositonan di Gobierno.

INFLACION

E nivel general di prijs, cu ta wordo midi dor di e indice di prijs di consumo (CPI), a registra un subida di 0,9 por ciento den e luna di juli 2015, compara cu juli 2014.

E componente "Vivienda", cual a registra un crecimiento di 1,4 por ciento, tabata e contribuyente principal na e subida aki, bayendo di 0,1 por ciento na juli 2014 pa 1,4 por ciento na juli 2015.

E aceleracion di inflacion aki ta debi primordialmente n'e sub-categoria "Electricidad, gas y otro combustible" di e categoria vivienda, causa pa un aumento den tarifa di coriente na october 2014.

Excluyendo e componentenan di cuminda y energia, inflacion tambe a subi, esta cu 0,7

por ciento.

Pa loke ta trata e promedio anual di e tasa di inflacion, esaki a permanece igual na 1,0 por ciento na juli 2015 compara cu juni 2015.

TURISMO

Na juli 2015, e cantidad di turista a registra 109.251 bishitante, cu ta 13,9 por ciento mas cu na juli 2014. E expansion di 23,8 por ciento y 9,8 por ciento, respectivamente, den tanto e mercado Latino Americano como e mercado Norte Americano, tabata responsabel p'e crecimiento aki.

E subida den e mercado Latino Americano ta primordialmente e resultado di un aumento di 33,3 por ciento (+6.428 bishitante) for di Venezuela.

E subida di 10,3 por ciento (+5.629 bishitante) for di Merca t'e causa principal di crecimiento den e mercado Norte Americano.

Den e luna en cuestion, e cantidad di anochi destina pa pasa na Aruba, manera indica dor di bishitantenan, a crece cu 9,0 por ciento, compara cu e mesun luna di e aña anterior.

E averahe di anochi destina pa keda na Aruba a baha un poco, esta di 7,1 anochi na juli 2014 pa 6,8 anochi na juli 2015.

E cantidad di turista crucero a baha cu 36,7 por ciento te na 23.627 na juli 2015, compara cu juli 2014.

E cantidad di barconan crucero a baha pa 10 na juli 2015, for di 16 na juli 2014.



Avenida Milo J. Croes # 118 - A
Tel: 5883948, Fax: 5883945,
Dilanti Flora Market na Dakota,
E-mail: doorhandle@setarnet.aw

DOUBLE LOCK STAINLESSSTEEL,
BON CALIDAD
SPECIAL PRICE AWG. 49,00
SÓ...PROBECHA



Walt Disney Tour
Dec 19-27, 2015

- Magic Kingdom
- Epcot Center
- Universal Studios
- Island of Adventure

ALDO
Travel Bureau Inc.
Tel: 582-1992

Tin espacio disponible ainda

E comico Jerry Seinfeld:

"Bebe koffie cu amigo ta mihor cu biaha pa Aruba"

LOS ANGELES – Mientras cu mayoria di artista/actor internacional ta papia bon di Aruba, y ta duna e isla un cobertura impagabel positivo, tin tambe cu ta opta (porta sin intencion) pa duna Aruba un 'mal number'. Esaki tabata e caso recientemente durante un entrevista cu e agencia di noticia Associated Press y e comediante/actor Jerry Seinfeld. Jerry Seinfeld tabatin su propio serie televisa pa hopi aña y a actua den varios pelicula popular. Durante e entrevista aki el a papia 'malo' di Aruba, of por lo menos, desprecia nos isla. Lo 'interesante' ta cu di henter e entrevista, ta netamente e parti di Aruba a bira e titular di henter e entrevista, cual no tabatin nada di haber cu Aruba mes. E entrevista mes tabata riba e bida actual di Jerry Seinfeld, basa riba un decision cu el a tuma di usa internet pa pasa su proximo produccion, versus e forman usual.

Aki a surgi un pregunta, cu si Jerry Seinfeld ta bebe hopi koffie. Un pregunta comun e inocente. E contesta, sin embargo, a sorprende hopi.

Jerry Seinfeld a contesta cu positivamente e ta bebe hopi coffee. "Mi no a cuminsa bebe koffie sino te algun aña pasa. Mas awor cu mi ta haciendo mi show", Seinfeld a bisa. "Mi ta gusta e tipo di simplicidad. P'ami bo no mester hopi pa pasa bon. Vacacion hopi biaha ta kens!" Seinfeld a sigui bisa.

"Ora cu bo bebe koffie cu un amigo, bo lo probablemente pasa mihor, cu si bo bay Aruba". E combersacion a continua su caminda, sin mas referencia na Aruba. Mientras cu e ta posiblemente un comentario sin mas, e forma con esaki a sali y cu el a keda publica, tog ta muestra cu su pensamiento di Aruba sea no ta bon of e no tin afiliacion cu Aruba.

AUTHENTIC Cuba



Havana
3 WEEKLY FLIGHTS
MONDAYS, WEDNESDAYS & FRIDAYS

BOOK NOW!



PURCHASE YOUR TICKET VIA INSELAIR CONTACT CENTER 582 1200, INSELAIR TICKET OFFICE OR AT YOUR LOCAL TRAVEL AGENCY.

InselAir
Reaching Higher

Den reunion cu Minister di Energia, Mike de Meza

Grupo di contratista local kier garantia cu e.o. Citgo duna nan prioridad pa traha cu nan

E mandatario a garantisca cu esey lo t'e caso

MASKE ainda no tin claridad si Citgo lo habri refineria di Valero, asina mes, e contratistanan cu a yega di traha den e refineria, kier cierto garantia pa futuro, pa ora nan habri.

Varios t'e companianan aki, cu a pidi un reunion cu Minister Mike de Meza, kende tin tur comprension p'e peticion di e companianan aki, cu manera nan a duna di conoce, nan a keda Aruba den tempo malo, yuda economia, y ta spera cu Gobierno lo no habri porta pa tin un "influx" di companianan di afo, pa bin traha den e refineria.

Gobierno a priminti cu lo sa di defende e mercado laboral local. Pa yuda den esey, e contratistanan a keda di traha riba un plan di accion, cu lo share cu Gobierno y eventualmente cu Citgo, pa sa kico ta nan

pensamento y con e companianan local por duna nan contribucion.

Ya companianan grandi no por kere di por dreña Aruba sin mas, maske cu nan registra aki, pa haci negoshi, siendo cu e contratistanan local si a keda aki, contribuyendo cu nos economia.

Esaki t'e prome reunion, pero Minister Mike de Meza a priminti cu ainda prome cu fin di aña, e lo convoca mas reunion cu e grupo aki, asina cu tin mas claridad di parti di Citgo.

Actualmente tin 8 compania ta traha ainda den e refineria, pero antes e total tabata sigur como 20 pa 25 compania, sin conta esnan cu ta traha pafor di refineria.

Vocero di e grupo aki a laga cu dia cu e refineria

a sera y nan kier a bay Corsou, Venezuela, Merca y n'e paisnan aki, e contratistanan cu a yega di traha na Aruba, a tene porta sera p'e contratistanan Arubiano.

Pesey e demanda pa proteha e mercado laboral den refineria pa nos propio hendenan. E contratistanan local no mester preocupa, segun Minister Mike de Meza, pasoba den e MOU ta stipula cu Citgo mester traha cu contratistanan local cu trahadornan local.

Pa fin di aña, tur esnan involvi lo mester tin claridad di kico lo bira di e refineria. Si Citgo acorda pa tuma over, lo tin un turn-around di sigur un aña, loke ta requeri un inversion cuantioso. Pesey e contratistanan ta spera cu dicho inversionnan lo keda Aruba y no cu tin mandamento di divisas pa exterior.

Ricibi AweMainta tur dia den bo Inbox

Registra awo!

Manda bo e-mail na
noticia@awemainta.com





Monumentenbureau t'e instancia cu ta prepara proteccion di nos monumentonan

Steenweg 19 indica como monumento proteha

CONFORME e ordenanza di Monumento, AB 1991 no GT 46, articulo 4, Minister di Cultura, sr. Otmar Oduber ta indica por medio di un decreto pa un edificio bira un monumento proteha. Monumentenbureau t'e instancia di Gobierno encarga pa ehecuta e proceso di proteccion.

Siman pasa Monumentenbureau a prepara e decretonan ministerial pa edificio Steenweg 19 wordo indica como monumento proteha. E decreto ta wordo manda cu un carta oficial p'e doño(nan), usuario y p'e hypotheekantoor di DLV y un notificacion lo wordo publica den e Landscourant di Aruba. Despues di seis siman di a sali den e Landscourant e lo

por wordo inscribi den e Registro di Monumento. Actualmente directora di Monumentenbureau sr. ing. Yvonne Webb-Kock tin bou di su guia srta. Ichmarah Kock durante su periodo di stage pa logra su diploma di Masters den "Architectuur Geschiedenis".

Ichmarah t'e promeyu di tera cu tin su diploma BA "Kunstgeschiedenis richting Architectuur".

Pa por a prepara Steenweg 19 su descripcion pa indicacion pa monumento proteha mester studia e edificio bon. Un preparacion asina ta tuma varios siman pa investiga, prepara y documenta pa logra cu un edificio monumental keda describi por completo. Asina ta describi exactamente cada

fachada y ta pone enfasis riba cada elemento monumental, material, etc. Alabes ta studia potretnan bieu, cu ta hopi dificil pa haya, indicando e elementonan pa den futuro considera tambe pa trecenan bek. Ta

mentiona tambe e elementonan cu no tin balor y tambe elementonan cu mester wordo cambia. Adhunto un portet ora Sra. Yvonne Webb-Kock y srta. Ichmarah Kock a bay investiga e edificio.

Steenweg 19 ta un edificio cu ta data di 1925 y ta den un estilo di arkitektura neo-Barok. Sr. Addison W. Croes a duna sr. Dada Picus e tarea pa diseña y traha e edificio aki. Dada Picus ta conoci pa su arkitektura na Aruba pa e.o. edificionan manera Cas Eloy na unda nos ta casa awo y ex-Papiamento restaurant.

Steenweg 19 tabata conoci como Botica Aruba. E edificio monumental Steenweg 19 ta di

un categoria hopi halto dor cu na Aruba no tin hopi edificionan den arkitektura neo-Barok. Adhunto tambe un portet bieuw di e edificio.

Directora di Monumentenbureau, sra. Ing. Yvonne Webb-Kock kier a puntra un y tur cu tin portet bieu pa mandanan pa Monumentenbureau.

Esaki por wordo haci por medio di nan facebookpage "Monumentenbureau" of por pasa na Monumentenbureau situa na Schelpstraat 36-38, situa net banda di Museo Archeologico Nacional. Steenweg 19 lo bira e di 35 edificio pa wordo registra riba lista di monumento proteha. Monumentenbureau lo publica den seis siman riba nan facebookpage "Monumentenbureau" e lista actual di e monumento proteha. E vision di Minister di Cultura, sr. Otmar Oduber, conhuntamente cu Monumentenbureau ta pa cuminsa rescata nos patrimonio pa despues restauranan pa nan keda pa nos siguiente generacionnan.





Diahuebs ultimo

Minister Ronald Plasterk a bolbe chantagea Aruba

E no kier cumpli cu su palabracion haci, pa yuda Aruba fia placa

UN DI e mas reciente raport di IMF rapport ta un bofta den cara di Hulanda como Reino, y den cara di oposicion di Aruba. Den dicho raport IMF a papia idioma cla. IMF t'asina transparente cu casi sigur hopi di nos intelectualnan a haya e raport aki pa nan lesa, pasobra nan a abona riba raportnan di IMF.

Ta pesey pueblo mes por a lesa cu mayoria di e raport ta positivo, awor berdad ta cu tin recomendacionnan pa Gobierno sigui.

Ta pesey awe, pueblo ta tuma politico mediocre na malo, pa mal informa pueblo. Awe pueblo mes por huzga pa su mes. Ta bon pa Xiomara Ruiz Maduro sa cu Watty Vos den feliz memoria a yega bisa, IMF por trece hopi raport, pero ta keda na Gobierno si ta ehecuta esaki of no. Aki ta mira con MEP ta braza medida.

Pesey pueblo ta keda sumamente babuca, ora e lesa un di tanto comunicadonan di MEP, cu Gobierno a tuma medida den APFA, den SVb, den AZV, pensioen pa 65 aña, e mentalidad bobo aki di MEP ta indigna pueblo, pasobra si Gobierno no a trece ahustacion den e instancianan ey, ningun hende lo cobra nigin clase di pensioen mas.

Aki bo ta wak cu MEP no ta worry si pensioen bay den su moer, pero si no a papia ningun palabra riba e bonanza di huur di edificio di pasado pa mas cu 28 miyon. Bon nan tin hopi curashi, mescos cu raport curashi di Nilo Swaen para tur cos di ambtenaar. MEP Quo Vadis!!

CHANTAGE

Diahuebs ultimo, Minister Ronald Plasterk a pega barco cu su expresionnan den Tweede Kamer. Un biaha mas e ta comete chantage pa Aruba baha gasto, y e ora ey e por yuda Aruba fia placa na 2%. Pero esey no tabata e palabracion haci.

Si Aruba por fiha placa awor, e gastonan lo baha cu Afl. 175 miyon florin. Ta kier e no kier yuda Aruba, pasobra e sa cu economia di Aruba a crece cu 2%, mientras di Hulanda ta cu 1% so.

Diahuebs ultimo na Hulanda, miembronan di Tweede Kamer kier pa Gobierno Hulandes yuda Aruba cu lening riba 2%. Minister Ronald Plasterk a bisa cu. Mira e raport Diahuebs Santo ta bisa, cu ora nan yega na un balance budged, lo bay pa 2% no awor.

Anto e Parlamentarionan a bisa si, pero si yuda Aruba awor, mas liher nan lo yega na un presupuesto balansa.

Minister Plasterk a bisa si, pero ora nan yega. Dus un terkedad Hulandes atrobe. Aruba ta keda 6%.

Pero atrobe na Aruba, algun media, ta bisa cu cos ta malo pa Aruba, Hulanda a bisa no. Anto champaña a bay halto atrobe.

CONNECT
FASTER

SCARLET
RESIDENTIAL

NEVER MISS A MOMENT.

60+ SUPER DEAL

NO BUSCA MAS! ABO TAMBE POR DISFRUTA DI E
DOWNLOAD Y UPLOAD RESIDENCIAL DI MAS RAPIDO
RIBA MERCADO SPECIAL PA 60+, PAGANDO MENOS!

CU SCARLET UNLIMITED HIGH SPEED INTERNET BO TA PAGA MAS
VELOCIDAD PA MENOS PLACA. NO MAS BUFFERING, NO MAS TARDANSA.

STARTING FROM

75.00

PER MONTH + STATIC IP

scarletaruba

+297 584-2595

scarletaruba.com

scarlet



Aruba a pone krans na conmemoracion di e tragedia di Bijlmer

AMSTERDAM- N'e monumento "Het Groeiend Monument" a tuma lugar riba diadomingo 4 di october e conmemoracion anual p'e victimanan di e tragedia di Bijlmer. E aña aki ta 23año pasa cu un Boeing 747 di carga di EL AL a cai den e flatnan Kruijterberg y Groeneveen. E tragedia a exigi bida di 43 persona, di cual 12 Arubiano. Functionario pa Cultura Gabinete di Aruba Angelo Tromp a pone un krans den nomber di Gobierno y pueblo di Aruba.

E programa a consisti di canto dor di coro di mucha di scol basico El Crescendo y tabatin discurso di famianan di e victimanan y di stadsdeel voorzitter pa Amsterdam Zuid-Oost Muriël Dalgliesh.

Extacamente 6'or y 35 minuut - momento cu a avion a cai den Bijlmer na 1992 - a tene un minuut di silencio pa recorda e victimanan. Despues a sigi e ceremonia di ponemento di krans.



Minister di Finanza, mr. Angel Bermudez:

Presupuesto realistico pa año 2016 a keda entrega



AYERA tardi Minister di Finanza, mr. Angel Bermudez a entrega e concepto di ley cu e presupuesto pa año 2016 na sr. Gobernador, Fredis Refunjol.

Di e forma aki e presupuesto lo continua den trayecto legislativo durante e simannan benidero.

“Siguiementemente lo manda e concepto aki pa Raad van Advies tambe p’asina e colegio aki duna nos su conseho riba e concepto prome cu e bay Staten”, e mandatario a informa.

Minister Bermudez a haci enfasis riba e hecho cu e presupuesto aki ta uno realistico y completo dentro e cuadro di e normanan di nos leynan como tambe dentro di e cuadro economico cu nos comunidad por carga otro año. Di e forma aki, e mandatario ta contradeci opinion di CAFT, cu a laga sa caba, cu e presupuesto no ta uno realistico.

E concepto di ley aki segun e mandatario di finanza mes a splica, ta basa riba un siguiente reduccion di e deficit cual ta wordo proyecta di lo ta 2% di GDP.

E mandatario ta spera cu prome cu fin di año e concepto lo haya aprobacion di Staten despues di un debate al caso riba e maneho cu e ta premira y di e forma aki asina cu año habri cu Aruba por conta cu un presupuesto valido y disponibel desde inicio di 2016.

EXECUTORIALE OPENBARE VERKOOP

Op donderdag 29 oktober 2015 des namiddags om 14.00 uur, zal in de vergaderzaal van de “Aruba Surfside Marina”, L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba casu quo als onherroepelijk gemachtigde bedoeld in artikel 1203 (oud Burgerlijk Wetboek van Aruba), bij opbod en daarop volgende afmijning worden gehouden van:

1. het recht van erfpacht tot 2 november 2059 op:
 - a. een perceel domeingrond groot 300 m2, gelegen te Noord in Aruba, kadastraal bekend als Land Aruba Tweede Afdeling Sectie C nummer 646; en
 - b. een perceel domeingrond groot 498 m2, gelegen te Noord in Aruba, kadastraal bekend als Land Aruba Tweede Afdeling Sectie C nummer 2898, met het daarop gebouwde, plaatselijk bekend als “Noord 33 B”.
Inzetprijs: Afl. 275.000,==
2. een perceel eigendomsgrond, gelegen te San Barbola in Aruba, met het daarop gebouwde, plaatselijk bekend als “San Barbola 150”, te weten:
 - a. een perceel eigendomsgrond, groot 108 m2, kadastraal bekend als Land Aruba, Eerste Afdeling Sectie P nummer 264;
 - b. een perceel eigendomsgrond, groot 300 m2, kadastraal bekend als Land Aruba, Eerste Afdeling Sectie P nummer 3263.
Inzetprijs: Afl. 215.000,==
3. een perceel eigendomsgrond, groot ongeveer 471 m2 of zoveel groter of kleiner als na kadastrale opmeting zal blijken zoals op het terrein is of zal worden afgebakend, gelegen te Ponton in Aruba, nader omschreven in het door Fast Surveying N.V. opgemaakte meetdocument nummer 034/99 van 1 mei 1999, bekend als PUNTO DI ORO VILLA PARK, kavel 8, afkomstig van het perceel kadastraal bekend als Land Aruba, Eerste Afdeling Sectie L nummer 533 (index:D4315), het het daarop gebouwde, plaatselijk bekend als “Tanki Leendert 119-D”.
Inzetprijs: Afl. 306.000,==
4. een perceel eigendomsgrond, groot 727 m2, gelegen aan de Rudolf Arendsstraat in Aruba, kadastraal bekend als Land Aruba, Eerste Afdeling Sectie N nummer 307, met het daarop gebouwde, plaatselijk bekend als “Rudolf Arendsstraat 42”.
Inzetprijs: Afl. 295.000,==
5. het recht van erfpacht tot 6 november 2061 op:
 - a. een perceel domeingrond groot 880 m2, gelegen te Tamarijn in Aruba, kadastraal bekend als Land Aruba Eerste Afdeling Sectie R nummer 3657; en
 - b. een perceel domeingrond groot 149 m2, gelegen te Tamarijn in Aruba, kadastraal bekend als Land Aruba Eerste Afdeling Sectie R nummer 4640; met het daarop gebouwde, plaatselijk bekend als “Tamarijn 26-D”.
Inzetprijs: 217.000,==
6. een perceel eigendomsgrond, groot 350 m2, gelegen aan de Oostzijde van de Gilles Poppestraat te Cura Cabai in het Vierde District van Aruba, nader omschreven in kadastrale meetbrief nummer 65 van 9 juli 1959, met het daarop gebouwde, plaatselijk bekend als “Gilles Poppestraat 3”.
Inzetprijs: Afl. 135.000,==
7. het recht van erfpacht tot 15 juni 2065 op een perceel domeingrond, groot 509 m2, gelegen te Alto Vista in Aruba, kadastraal bekend als Land Aruba, Tweede Afdeling Sectie D nummer 1285, met het daarop gebouwde, plaatselijk bekend als “Alto Vista 109-A”.
Inzetprijs: Afl. 138.000,==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 14 oktober 2015 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com / auction@notaristromp.com

Ricibi AweMainta tur dia den bo Inbox

Registra awo!
Manda bo e-mail na
noticia@awemainta.com



DRAGON CD & ELECTRONICS

Mainstreet San Nicolas Tel. 584-3999
open 9.00 - 13.00 and 14.30 - 18.30

Dragon specials



Samsung note edge



blu sport 4.5
afl. 210.00



Samsung s3 mini
afl. 315.00

Also: Samsung S5, s5 mini, Samsung S4, Samsung 4 mini, S3 mini etc.....
Accessories for all Samsung and Iphone models

Toshiba Laptop 15.6" 4Gb 320Gb Harddisk, Afl. 900.00
Hp Ink cartridges, Universal laptop adapters etc..
iTunes gift cards \$ 10.00, \$ 15.00 and \$25.00,
Google play cards and Playstation Network cards.

Sales, repair and accessories for all Samsung models and other cellulars.
Unlock, reload, reset, upgrade, replace lcd, keypad, speaker etc.....

Guisette Croes na Congreso di MEP Evelyn a scibi historia poniendo yiunan di dos lider grandi riba lista di MEP

DURANTE Congreso 2015 di partido MEP tabata tin varios orador interesante. Un di e oradornan tabata Guisette Croes, yiu mayor di Betico Croes den felis memoria, fundador di partido MEP.

Guisette a refleha riba liderasgo y a muestra e lucha intenso di su tata Betico

Croes pa nos autonomia, y sigi p'e trabou duro di Nel Oduber pa conserva esaki.

Segun Guisette, Evelyn ta sigi den pasonan di dos lider grandi cu MEP a conose.

Guisette a expresa den nomber di henter su famia, e gratitud pa invita Glenbert pa subi lista di MEP.

E punto crucial cu el'a trese padilanti t'e

importancia di union den partido MEP. Ta solamente un partido uni lo vense.

Y e paso pa pone dos yiu di e dos lidernan grandi di MEP riba lista, ta refleha e union cu tin, y ta refleha e grandesa tambe di Evelyn como lider.

Pasobra contrario na tur conseho y resistencia, Evelyn a scibi historia poniendo Glenbert y Dangui riba lista.

"Nos tambe ta kere den Evelyn su liderasgo, y nos ta conbensi cu Evelyn tin tur cualidad cu un lider di Aruba mester tin", segun Guisette Croes.

PUSHI - PUSHI CHIQUITO - KITTENS - CATS - KATTEN - POEZEN

<p>ADOPT A KITTEN</p> <p>WhatsApp or call 5935525</p>	<p>Lynx</p>	<p>Winter</p> <p>Adopt A young adult</p> <p>Already neutered or spayed</p> <p>Whatsapp or call 5935525</p>	<p>Malibu</p> <p>Very sweet Spayed young female</p> <p>Whatsapp or call 5935525</p>	<p>Kyrben</p> <p>Young neutered male</p> <p>Whatsapp or call 5935525</p>	<p>Call 594-8911</p> <p>I'm spayed!</p> <p>and looking for a great home!</p>	<p>Zaharah</p> <p>YOUNG SPAYED FEMALE</p> <p>Whatsapp or call 5935525</p>
---	-------------	--	---	--	--	---

LUNA DI OKTOBER TA LUNA MUNDIAL DI BESTIA!

DUNA NOS TAMBE UN CHENS! NOS TAMBE MERECE TA PARTI DI UN FAMILIA!
NO SHOP, ADOPTA UN PUSHI CHIQUITO OF UN ADULTO!

Animal Rights Aruba ta buscando bon famianan pa adopta e pushinan aki.
Solamente persona(nan) serio yama of whatsapp henter dia na 593-5525 of bishita nos FB page.
Mayoria di nos a wordo vacuna caba y sterilisa* of castra caba. Prijs pa un pushi ta solamente 55 florin.

*E prijs pa sterilisa na un veterinario ta plus minus 165 florin. Si bo adopta di ARA ta solamente 55 florin incluso 1 vacuna.





D

ARUBA'S TOP 20



DIASABRA DIA 10 DI OCTOBER 2015

- 1/2.. GROOVY CHOPSOY - CLAUDIUS PHILLIPS Y OREO
- 2/1.. LADY DUSHI — JOSELITO ARENDS
- 3/4.. PEDRO QUE LADRA NO MUERDE — KIKO Y SHARA
- 4/7.. ELEVATION-PARA ONE-THE SOUTH AFRICAN
- 5/11.. COMO PAGARTE — CARLOS RIVERA
- 6/3.. WHAT A DAY — FANTINE-WYCLEAF EL GATA
- 7/15.. SEÑORITA — AMINE
- 8/5.. DO IT AGAIN — PIA MIRA - CHRIS BROWN
- 9/6.. DONT WORRY — MADCON - RAY DALTON
- 10/8.. MI KE MAS — D'LICIOUS
- 11/17.. JUGANDO A QUERER — XAVI
- 12/18.. AGOSTO - ALVARO SOLER
- 13/20.. MISTY MIND — LINA BUTTON
- 14/10.. DOWN TOWN — HACK MORE -RYAN LEWISSMOOR
- 15/9.. THE FIX— NELLY JEREMIH
- 16/12. TOP OF MY CHARTS — FUSE ODG
- 17/—SMOOR VERLIEF-JERSEY ISENIA
- 18/—WRITINGS ON THE WALL - 5 AMSMITH
- 19/—STAND BY YOU-RACHEL PLATTEN
- 20/14.. BARCELONA — GEORGE EZE



BROADCAST ON HIT 94 FM STEREO
SATURDAYS FROM 4.00 - 6.00 P.M.

Escritora Dacomo ta bishita biblioteca

ESCRITORA Margith Dacomo a haci biblioteca un bishita pa ofrece directora sra. Astrid Britten un ehemp-lar di su bukinan.

‘E yabi’ y ‘Bida: Mai Mosa’ t’e dos bukinan cu ta nobo den coleccion di Biblioteca Nacional Aruba.

Rib’e portada di ‘E Yabi’ e autora ta skirbi: “Bo por tin tur loke bo kier, haci tur loke bo kier y ta e persona cu abo kier ta. E yabi p’esaki t’e Ley di Atraccion. Awor bo ta bai drenta e mundo fascinante di poder mental y exito. Bo ta bay hunga e papel di super estrea den e pelicula di bo bida. E buki aki ta bay muestra bo un mundo maravi-yoso caminda bo soñonan ta bira realidad.”

Den “Bida: Mai Mosa, historia di bida real” Margith Dacomo ta describi un aventura di Mai Mosa. Mai Mosa ta un dams di 70 aña di edad y e shon aki ainda tin aden y ta skerpi y bon na tino.

Semper for di mucha chikito Margith tabata masha interesa den lesamento y tambe scirbimento di historia cortico na scol. Na 2013 Dacomo a publica e buki ‘E soño’. Su bukinan ta obtenibel na Van dorp bookstore.

The Ritz-Carlton, Aruba a organisa su prome evento di Indulge Aruba





Est, Romar Trading p'asina duna bishitan-
tenan un oportunidad
pa purba diferente
cuminda y biña.

“Cuminda por yuda
tur hende conecta cu
un destinacion na un
manera autentico”
Stephen Toevs, Ex-
ecutive Chef di Ritz-
Carlton, Aruba a men-
ciona.

“E evento nobo aki
a promete di bira e
prome, pero sigur no
e ultimo

Executive Sous Chef di Aruba Marriott, Chef
Miguel Garcia, hunto cu su team culinario a
prepara un tremendo tuna ceviche cual ta-
bata un hit y carbrito stoba cu sigur a destaca
durante e anochi. Tur dos platonan a wordo
presenta den un forma unico y sigur na smak
di un y tur.

E team di Aruba Marriott ta gradici tur esnan
cu a bishita e booth di La Vista durante e anochi
aki y ta spera di wak nan pronto bek na La Vista
p'asina disfruta di tur e sabornan sin fin cu e
buffet tin pa ofrece. Y sin lubida e tremendo
bista pa lama.

Nos felicitacion na The Ritz-Carlton, Aruba y
sigur pabien n'e organisadornan di e prome
Indulge.

THE Ritz-Carlton, Aruba cu hopi orguyo a
anuncia nan evento culinario nobo pa nos isla,
Indulge Aruba.

Un evento cu a tumando lugar diasabra siman
pasa, unda Indulge Aruba a diseña pa ta un
celebracion di cuminda y biña unda cu Aruba
su mihor chefnan, incluyendo un variedad di
restaurant y compania di biña a participa.

E evento a tuma lugar den e hotel su “event
lawn” di 4or di atardi pa 9or di anochi, acom-
pañia pa bon musica y premionan espectacular.
Mas cu 20 di Aruba su mihor restaurantnan
incluyendo The Ritz-Carlton su BLT Steak y
Solano a participa, hunto cu Marriott (La Vista
Lounge), Divi Resort (Windows on Aruba),
Tierra del Sol, Papillon, Taste of Belgium,
Margarita Gourmet, Eataly, Azia, Waka Waka,
14 Bis Market Place, Matthew's, Amuse Bistro,
Screaming Eagle, Papiamento Restaurant,
The Wine Room, Arion Wine Company, Pepia

Indulge Aruba, unda cu bishitan-
tenan tin e oportunidad unico pa
disfruta di e mihor di loke nos du-
shi isla tin di ofrece den e mundo
culinario”.

LA VISTA PRESENTE NA IN- DULGE EXPO

Durante ultimo fin di siman e team
culinario di Aruba Marriott tabata
presente na Indulge Culinary Expo
compartiendo La Vista su sabornan
unico cu e publico como tambe in-
formacion di La Vista su diferente
buffet amplio.

E booth di La Vista tabata un
favorito di e anochi ofreciendo
un setup yamativo y platonan ex-
quisito pa purba, cual a sigura un
fluho continuo di bishitantenan
n'e booth.

Simply The Best !			
	SPECIAL PRICE		
	GREASE GUN		
	SPACE FOR RENT OFFICE / SALES 50 M 2 SPECIAL PRICE CALL: 583 1001		
UNLIMITED PARTS MORGENSTER # 12 - B TEL: 583 1001			

Value Your Mind



Announcing the 2015 Mental Health Month Theme visit www.mentalhealth.asn.au for more information!



WHO tin su plan di accion integral riba Salud Mental

DURANTE e di “66th World Health Assembly” di e organisacion mundial di salud, WHO e plan di accion integral riba salud mental 2013-2020 a keda aproba. P’e Director General di WHO, dr.

Margaret Chan, e plan nobo di accion integral riba salud mental ta un logro historico.

E plan tin awor atencion internacional riba un situacion cu a wordo negligisha pa hopi tempo y cu tin su raiznan anca riba e derechonan humano di un persona cu ta sufri di trastorno mental.

E plan ta existi cambio. E ta rekeri cambio den actitud cu ta stop e stigma y e discriminacion cu a aisla e hendenan aki for di hopi tempo pasa.

E proceso ta pidi un ampliacion den e servicionan cu e fin di promove eficiencia den uzo di e recursonan cu tin.

E 4 obhetivonan principal di e plan ta:
Fortalece e liderazgo y e

LUNA DI OKTOBER TA LUNA MUNDIAL DI BESTIA! NOS TAMBE MERECE TA PARTI DI UN FAMILIA!

BARNEY INTERESTED IN THIS HANDSOME PUP? WHATSAPP OR CALL 5939398 (CALL AFTER 6PM)	CAINE YOUNG MALE, WILL BE NEUTERED SOON Rogue Young spayed female WHATSAPP OR CALL 5939398	Cookie whatsapp or call 5922262	MARSHALL INTERESTED IN THIS HANDSOME PUP? WHATSAPP OR CALL 5939398 (CALL AFTER 6PM)
SPROKY Whatsapp or call 5922262	MOMMY DINA! INTERESTED IN THIS SWEET GIRL? WHATSAPP 5939398 OR CALL AFTER 6 PM SHE HAS BEEN SPAYED AND IS LOOKING FOR HER FOREVER HOME	 	

DUNA NOS UN CHENS! ADOPTA!

Animal Rights Aruba ta buscando bon famianan pa adopta e cachonan aki.

Solamente persona serio **yama** of **whatsapp** henter dia na **592-2262** of **593-9398** of bishita nos **FB page**. Mayoria di nos a wordo vacuna caba y sterilisa* of castra caba. Prijs pa un cacho ta solamente **150 florin**.

*E prijs pa sterilisa na un veterinario ta plus minus 275 florin. Via ARA ta solamente 150 florin incluso vacuna.

maneho eficaz di 'Salud Mental'.

Proporciona servicio completo, sano cu reaccion positivo di salud mental y atencion social den institucionnan.

Implementa strategianan pa promocion y prevencion di salud mental.

Fortalece e sistemanan di informacion, pruebanan y investigacion di salud mental.

Cada un di e 4 obhetivonan aki ta compaña pa un of dos obhetivo specifico, cu ta proporciona e base pa accion colectivo y e base pa midi accion y logronan di e paisnan miembro.

Un grupo di indicador basico relaciona cu e obhetivonan aki mescos cu otro accionnan a wordo desaroya y ta wordo colecta atraves di e proyecto "Mental Health Atlas" cu ta wordo monitoreo periodicamente.

E Salud Mental

Salud Mental ta referi na un escala grandi di actividad directo y indirecto relaciona cu e bienestar di e componente mental inclui den e definicion di salud di WHO:



“Un estado completo di bienestar fisico, mental y social, y no solamente e ausencia di enfermedad. E ta relaciona cu e promocion di bienestar general, e prevencion di trastorno mental y e tratamiento y rehabilitacion di e personanan afecta mentalmente”.

Awe diasabra dia 10 di october t'e dia cu mundialmente ta observa y conscientisa riba Salud Mental, como tal IBiSA ta aporta cu e informacion saca for di website di WHO riba e 'Dia Mundial di Salud Mental'.



MESTER DI PLACA?

EMPEÑA Y CUMpra ORO

PASA Y COMPROBA PA BO MES!





JUWELENHUISJE
ORARIO 10AM - 6PM DIALUNA TE DIABIERNA




ORANJESTAD WERFSTRAAT 7 LOK. 12 TEL 588 4141 SAN NICOLAS B. V/D VEEN ZEPPENFELDSTRAAT 14 TEL 584 4141



EL TORO DE

Na caminda p'e "Clasico di Aruba" RCA ta dal Bubali 4-1



DIARAZON anochi Jean Pierre van den Linden y Steven Melchor cada uno ta score dos gol pa RCA piki su prome tres punto di campeonato derotando e Gigante Berde di Bubali.

E victoria aki a ser dedica na luna di "cancer na pecho" y Mary Joan Foundation. Ekipo completo tricolor a subi tereno cu e bunita t-shirt di e campanja contra cancer na pecho. Dos hoben di e sistema tricolor a debuta, kendenan ta Ronaldo Martinez y Renny "Juji" Werleman.

Diamars awor Soldadnan di Solito lo baha pisa den Dakota pa midi forza cu e Abejanan den nan haula na CDGPT.

Conoci como e "El Clasico Local" e dos faboritonan p'e campeonato aki lo bay "heads-up" den otro RCA vs Dakota.

P'e wega aki lo tin un campanja diamars den dia na diferente radio emisora unda RCA lo regala varios pakete special p'e fanaticada tricolor.

P'esnan cu kier cumpra e t-shirt nobo "Be



awesome be Tricolores" por pasa club di-aluna atardi. Tambe nos fanaticada ta invita diasabra atardi 4or na RCA Arena ora RCA InselAir ricibi Brazil Jrs U16 y diasabra 6:30 pm na CDFF unda Damas RCA Neurtrogena lo topa cu Savaneta Stars. Nos damanan a sali brabo den nan prome partido y lo bay pa otro 3 punto.

Aruba Bank a ricibi bishita di RCA U-14 cu a logra un victoria internacional



RECIENTEMENTE Aruba Bank a ricibi e team U-14 di RCA cu a logra un victoria internacional den un torneo hopi emocionante p'e hungadonan hoben, esta *World Soccer Foundation Miami Cup*. E team completo a bishita Aruba Bank pa gradici e banco cu ta nan sponsor p'e confiansa y sosten cu nan ta conta cune durante henter aña.

Miami Cup ta na Aruba, despues di un bataya basta fuerte di parti di e team di RCA contra ekiponan di paisnan cu ta entre e grandinan di futbol manera Argentina y Mexico, cu a tuma lugar na Miami, Florida.

Aruba Bank ta hopi orguyoso di e team di RCA y ta felicita tur esnan involvi, for di mayornan, p'e coachnan y e muchanan, cu nan bunita prestacion y nan titulo di campeon. E ta un victoria bon mereci p'e hobennan cu tabatin ya for di januari ta train y preparando pa e torneo.

RCA a bishita Aruba Bank pa expresa nan gratitud p'e sosten ricibi. Nan a splica, cu hopi entusiasmo, con e torneo a bay pa nan.

Tabatin teamnan di Ecuador, Argentina, Mexico, Panama, Puerto Rico, Republica Dominicana y diferente team Mericano cu a participa n'e torneo cu tabatin duracion di mas of menos un siman. E nivel di e clubnan cu a participa tabata basta haltu, p.e. e team di Argentina ta pertenece na un club hopi renombra, esta River Plate.

Aruba a hunga 4 wega; e team a gana dos, empata un y perde un. E team a clasifica pa bay e final di e torneo y mester a enfrenta e team di Quenca di Ecuador.

E hobennan di Aruba a pone tactica, energia y nan curason den e wega contra e team di Ecuador p'e wega caba 0-0. Den e rond di penalty, Aruba a vence Quenca cu e score di 4-2, cu golnan di Joshua Aguire, Thionne Oduber, G'xon Schwengle y Eduard Santos.

Di biaha e team di Aruba a wordo acerca pa participa na un otro torneo, cu ta tuma lugar na Republica Dominicana na october 2016.

Masha pabien n'e team estelar di Aruba. Ta bon pa enfatisa cu Aruba Bank no solamente ta patrocina e ekipo p'e tipo di resultadonan espectacular asina, pero tambe pa henter e idea di por tin muchanan haciendo algo util despues di scol, siña un deporte, promove disciplina y pa nan ta den movecion constantemente.

Si no promove mas di e tipo di custumbenan asina, muchanan tin e tendencia di bay cas, mira television te anochi, sinta hunga riba nan tablet, cu consecuencia cu nan no ta move y no ta siña un deporte.

Cu esey den mente, e banco ta masha contento cu e esfuerso cu RCA ta haci a base diario pa mantene varios ekipo deportivo, di diferente edad, aportando asina deporte y na eventonan social pa nos muchanan.

Campeonato LIFIDA 2015 - 2016



DURANTE e ultimo weekend various division di Liga Futbol Infantil Di Aruba a mira accion riba various veld rond di nos isla. Lifida B a tuma lugar riba diabierna 2 oktober 5or di atardi caminda a tuma lugar 4 partido, partido di Bubali vs Juventud TL a ser programa pa un otro fecha. Riverplate a keda elimina for di Lifida B asina tambe Dakota a ricibi un su weekend vrij. Riba diasabra 3 oktober a tuma lugar various partido di Lifida Mini Baby, Baby y Lifida A.



Resultado di tur e division nan di Lifida ta como lo siguiente:

Resultado Lifida B:

LIFIDA CAMPEONATO 2015 - 2016 Lifida B

Fecha	Ora	Club	vs	Club	Score
2 okt. 2015	5:00 PM	Estrella	vs	Britannia	0 -- 3
2 okt. 2015	5:00 PM	United	vs	RCA	2 -- 4
7 okt. 2015	5:00 PM	Bubali	vs	Juventud TL	15 -- 0
2 okt. 2015	5:00 PM	Riverplate	vs	Dakota	-
2 okt. 2015	5:00 PM	RCS	vs	Brazil Jrs	3 -- 3
2 okt. 2015	5:00 PM	Estudiantes	vs	La Fama	2 -- 1

Resultado Lifida A:

Fin di siman tuma lugar 6 partido pa loke ta e categoria Lifida A. Bubali cu gol nan di Steve y Junior Alegre ta gana Dakota 2 – 0. RCA tabata di bishita na Santa Fe y ta gana Santa Fe 4 – 1. Gol nan di RCA a keda anota pa Marvin Rodriquez - Daphne van der Hoorn - Mishawn Molina y Ludgenson de Cuba. Estudiantes ta cai venci contra Nacional / Washington cu e score di 4 – 2. Golnan di Estudiantes a keda anota pa Shondre Quandt y Terrick Monsanto.



LIFIDA CAMPEONATO 2015 - 2016 Lifida A

Fecha	Ora	Club	vs	Club	Score
3 okt. 2015	10:45 AM	RCA	vs	Santa Fe	4 -- 1
3 okt. 2015	10:45 AM	Deportivo	vs	Juventud TL	0 -- 0
3 okt. 2015	10:45 AM	Estudiantes	vs	Nac / Was	2 -- 4
3 okt. 2015	10:45 AM	Estrella	vs	La Fama	0 -- 2
3 okt. 2015	10:45 AM	United	vs	Brzil Jrs	2 -- 0
3 okt. 2015	10:45 AM	Bubali	vs	Dakota	2 -- 0

Resultado Baby:

Pa loke ta e categoria Baby, a tuma lugar un total di 5 partido diasabra ultimo. Bubali ta cay venci cu score di 3 -2 contra Dakota. Pa Bubali Josthan Maduro ta anota ambos gol. Estudiantes ta derota Nacional Washington cu score di 5 – 1. Golnan di Estudiantes a keda anota pa Eleazar Loopstok 1 , Cristian Croes 1 , Marlison Hooi 2 y Eslias Campos 1. RCA di bishita na Santa Fe ta gana cu score di 6 – 1. Gol nan anota pa Jason Tromp 2x - Adelson 2x - Judson 1x y Jodrick 1x.



LIFIDA CAMPEONATO 2015 - 2016 Baby

Fecha	Ora	Club	vs	Club	Score
3 okt. 2015	9:40 AM	RCA	vs	Santa Fe	6 -- 1
3 okt. 2015	9:40 AM	Estudiantes	vs	Nac / Was	5 -- 1
3 okt. 2015	9:40 AM	Estrella	vs	La Fama	3 -- 0
3 okt. 2015	9:40 AM	United	vs	Brazil Jrs	6 -- 1
3 okt. 2015	9:40 AM	Bubali	vs	Dakota	2 -- 3



Resultado Mini-Baby:

Diasabra ultimo a tuma lugar un total di 4 partido pa loke ta e categoria di Mini Baby. Riba veld di Primavera Estudiantes ta derota Nacional Washington cu score di 4 – 1. Golnan di Estudiantes a keda anota pa George Jones 1, Jeanyl Sierra 2 y Junel Cardenas 1.



LIFIDA CAMPEONATO 2015 - 2016 Mini Baby

Fecha	Ora	Club	vs	Club	Score
3 okt. 2015	8:45 AM	Estudiantes	vs	Nac/Was	4 -- 1
3 okt. 2015	8:45 AM	Estrella	vs	La Fama	0 -- 1
3 okt. 2015	8:45 AM	United	vs	Brazil Jrs	6 -- 0
3 okt. 2015	8:45 AM	Bubali	vs	Dakota	1 -- 0

Ricibi AWE Mainta tur dia den bo Inbox

Registra awo!
Manda bo e-mail na
noticia@awemainta.com



Dos obra di poesia pa biblioteca

YESID Candanoza Ribon a entrega dos publicacion na directora di Biblioteca Nacional Aruba, sra. Astrid Britten.

Yesi ta un amateur poeta y escritor di prosa, al menos asina e ta yama su mes den su bukinan titula “Una sombra, una historia y un cafe” y “El baul del forastero”.

E ta expresa cu esakinan ta su prome publicacionnan “deseo mostrar mi forma de ver la vida artraves de diferente poemas y relatos que reflejan situaciones propias y ajenas”.

Pronto nan lo ta den circulacion pa miembronan por fia.



Sorteo Big Wheel Lottery

09 October 2015

Diario: 8179—5575—3974

Corsow: 3297—7479—5592

Super4: 2768

Flamingo: 0966—7913—1669

Smarty: 9443—1727—6193

Dayly: 3143—7985—0894



Unda bo placa ta
SIGUR!



Segundo Song Festival di A.S.U.

SONGFESTIVAL

16 OKTOBER 2015

CUMINSANDO FOR DI 8 OR DI ANOCHI
CENTRO DEPORTIVO BETICO CROES

A.S.U. ta bai tene su di segundo (2) Song Festival entre e Federacionnan Miembro di A.S.U.

Comishon Organisador ta invita e pueblo di Aruba pa bin asisti n'e evenemento aki. Lo bai tin 17 participante:

Gina Werleman, Yxelle Giel, Gilda y Nicole Dijkhoff, Gabriela Piazzzi, Julio Wever, Jonathan Croes, Glenda Piña, Olga Tromp, Catherine Carraha, Zuly Tromp, Jacky Filiciana, Amy Clark,

Alexine Peterson, Andres Tromp, Jayson Banfield, Ricardo Croes, Shaindra Ashby.

Grupo Kring Hortensia di Suriname a bishita club Kibrahacha 60+



E grupo Kring Hortensia di Stibuka/La-tour Surinam a haci un bishita diabierna 9 di october 2015 na club Kibrahacha 60+. Kring Hortensia ta un grupo na Surinam di nos grandinan cu ta existi 40 aña. E grupo aki a bini Aruba un siman cu vakantie y kier a sera conoci cu club Kibrahacha. Nos a pasa un mainta hopi agradabel

hunto. Kring Hortensia a drenta nos club na cantamento hopi bunita. Despues nan a participa cu diferente actividad cu club Kibrahacha ta ofrese. E intercambio aki ta trese un conocimiento con e diferente gruponan di 60+ di edad ta traha na bienestar di nos grandinan. Club Kibrahacha ta desea Kring Hortensia hopi exito den futuro.



Un Bon-Bini caluroso pa Minister di Aruba den Bo



Prome Bario di Bushiri



“**PA** Gobierno e ta importante pa keda traha hunto cu e barionan pa desaroya den e barionan mes actividadnan cu ta duna e bario un vinculo cu e ciudadanonan y un vinculo cu nan bario, pero ta crea tambe structuranan caminda por organisa eventonan, manera e desaroyo di e veld nobo, ta bay rekeri cu ta bay tin un programa p’asina con-
tinuamente esaki wordo bon uza y p’e wordo bon cuida tambe,” tabata e reaccion di Prome Minister Mike Eman su prome reaccion durante su bishita diahuebs ultimo na Bushiri.

Prome Minister Eman tabata na Bushiri e siman aki como parti di Accion di Bario, pero tabata tin interes particular pa informa su mes di e ultimo desaroyonan relaciona cu e veld di futbol cu ta bou construccion den e bario.

Despues di a informa su mes di e veld, el a sigui reuni cu bisiñanan di e bario. Na cada cas cu sr. Eman yega e recepcion tabata uno caluroso y e bon bini tabata acompaña pa un combersacion y un refresco.

E bisiñanan ta splica di ta hopi contento cu e ultimo desaroyonan na Aruba, pero particularmente tambe den nan bario.

Hopi di e combersacionnan cu Prome Minister a enfoka riba idea y sugerencia di e bisiñanan mes pa nan bario.

Meta di Accion di Bario ta pa, banda di keda den contacto cu pueblo como mandatario, pa Prome Minister tin un bon idea di loke ta importante p’e pueblo mes.

Mike Eman ta pone hopi importancia riba esaki. Loke hopi biaha ta importante pa instituto of departamentonan cu ta planea solucionnan no semper ta bay man den man cu loke e pueblo mes ta mira como solucion pa algo den nan bario.

Prome Minister Eman ta splica, cu hopi bario ta pone hopi importancia pa luz den nan bario y otronan pa caminda.

Den caso di Bushiri el a anuncia cu ta planea pa pone luz cuminsamento di otro aña. Pero banda di e peticionnan di e tipo ey, tambe tin particularidadnan den cada bario. Por ehempel un veld di futbol pa Bushiri tabata algo cu hopi bisiña a pidi pe.

Prome Minister a cuminsa su bishita na Madiki pa despues yega Bushiri for di panord. Aunke cu loke a destaca durante di e bishita di Prome Minister na Bushiri tabata e veld di futbol, e bishita di e dia tabata hunto cu ekiponan di Serlimar y Gele Koorts en Muskieten Bestrijding (GKMB). Serlimar a duna un man pa haci un extra esfuerso pa yuda tira sushi afo y GKMB ta probecha e ocasion pa inspecciona pa entre otro posibel criaderonan di sangura y otro plaganan.

Restauracion di e retabulo neo gotico di Misa Santa Anna a bin cla

DESPUES di e tornado di 25 di augustus 2011 Parokia Santa Anna a traha duro pa reconstrui e dak y e misa su interior.

Ora e trabaonan aki a finalisa a bin cu un plan pa restaura e retabulo (altar) neo gotico.

Den un periodo di 1 aña a traha 2 artista pa reconstrui e imagen di Mama Maria, e preekstoel y mesa di altar, e mesanan di comunion y diferente imagen nan di palo.

Despues a bin e aña aki 3 otro artista pa traha riba e retabulo. Y nos por informa cu e trabaonan riba e retabulo a keda cla. Y e retabulo a keda masha bunita mes.

Por bisa cu no a reconstrui, pero a restaura e retabulo.

Durante di e restauracion a sali diferente dato graba den e altar adilanti, e.o. e fecha cu sr. Hendrik v. d. Geld a construi e retabulo, cu ta 1860.

Otro dato cu ningun hende a cay riba dje t'e inscripcion, scirbi den Latin: Altare Privilegium quotidianum perpetuum.

Traduccion ta: N'e altar aki tin privilegionan perpetuo mara. (NL: Aan dit altaar zijn eeuwigdurende voorrechten verbonden: ES; En este altar están atadas privilegios perpetuos).

E nificacion ta:

“E altar privilegiá pa (haci Misa) cada dia pa semper (den eternidad)”.

E artista nan a investiga e datonan aki. Y a descubri cu según e Ley Canonico di CIC 1917 Can. 916 un altar cu e privilegio aki ta otorga indulgencia plenario cada biaha cu un Santo Sacrificio di Misa wordo celebra n'e altar aki.

Nos kier a gradici e parokianonan di Noord, tur Catolico na Aruba, e pueblo di Dios na Aruba y e pueblo di Aruba en general pa nan aporte y donación y cooperación cu a haci posibel cu e retabulo bunita y histórico aki por keda preserva pa mas generacion cu lo bin después di nos.

Cu Señor drama su bendicion ricamente riba nos parokianan y e pueblo di Dios na Aruba.

Un invitación ta bay na tur hende di Aruba pa bin bishita nos misa pa aprecia nos retabulo bunita aki. Y asina ricibi gracionan.

Di curazon: Masha Masha Danki.



Santo Sacrificio di Misa na Parokia Sagrado Curason di Hesus

DURANTE e siman di 12 te cu 16 di october venidero, tin e encuentro anual di clero na Aruba.

P’e motibo aki dlanan 12 y 13 di october no tin misa na Savaneta.

Diahuebs 15 di october pa 7 or di anochi na misa di Savaneta lo celebra un Santo Sacrificio di misa cu lo keda co-celebra pa obispo Luis Antonio Secco y tur sacerdote presente.

Riba diabierna 16 di october Iglesia ta celebra e memoria di Santa Margarita Maria Alacoque, mensahera di culto di Sagrado Curason di Hesus.

Pa 7:00pm nos parokia lo tin un misa special na honor di Sagrado Curason di Hesus y Santa Margarita cu adoracion di Santisimo Sacramento na Savaneta.

Tur devoto, parokianonan y pueblo en general ta cordialmente invita pa asisti n’e dos celebracionnan aki.



Invitacion Di Procesion Di Divino Ninjo Jesus



NOS kier a invitabo bin pasa un dushi rato cu nos na nos procesion di Divino Ninjo Jesus.

Orario: 6:00 pm / 9:00pm

Fecha: 11 Oktober 2015

Sali For Di: Kapel Hesus Sufriente

Ruta: Linksaf Madiki, Rechtdoor Driemasterstraat, Linksaf, Rechtdoor pa crusada Driemasterstraat, Linksaf pa Paradijswijk, Caya Frere Theodorus, Caba na Paradijs 9

Aparato di cushina a sende na candela

CENTRAL a manda Polis diahuebs 08.54, na un cas na Monte Verde, pa un candela den cas.

Ora cu Polis a yega ya tabatin bombero n’e sitio. E habitante di e cas, a bisa cu e tabata na su trabou, ora cu el a haya un yamada di su dos yiunan cu tabata na cas e momento ey.

G. a bisa cu e intencion ta p’e muchanan keda cas drumi, dor cu nan tin vacantie y cu despues e lo bin buscanan pa hibanan cerca nan wela. Polis a tuma e nombernan.

Homber ta mira cu nan ta mande cu piedra

CENTRAL a manda Polis diahuebs 10.51, na un cas na Brusca pa un maltrato. Eynan a resulta cu no ta matrato, pero nan tin molester di un homber fastioso dilanti nan cas. E homber mes no tabata mas eynan, pero a bay para dilanti cas di e otro bisiñanan ta haci fastioso. Polis a papia cu e homber L.W. di 60 aña kende tabata basta burachi y a bisa cu nan a dale cu piedra.

Hasta ora cu Polis ta pone den boei, e tabata declara esey, mientras cu no tabatin ningun hende ta manda piedra. Supuestamente e tabata halucina. Polis detene y a hibe warda di Shaba.

Difirente boet pa chauffeurnan

POLISNAN a tene un control riba trafico na Sasaki pa chauffeurnan cu a pasa e velocidad maximo. E siguiente personanan a haya boet, cu ta E.A.O naci na Haiti a core 107 km. U.H. a haya boet coriendo 141km. A.D.casa di DC, tambe a haya boet coriendo 107km. D.C. a core 117 km.

Destruccion na cas na Catiri

CENTRAL a manda Polis diahuebs 11.01, na Catiri na unda desconoci a kibra un glas di cas. Segun e informante, e sospechosonan a cana bay direccion di Catiri Minimarket y a duna Polis descripcion. E muhe A.M.B. kende ta bisa cu mas omenos 11.00, e tabata den su camber y diripiente el a tende un klap duro y a mira cu e glas di e bentana parti pariba di e cas tabata kibra. Pafo el a mira dos mucha homber cu short y un muhe hoben den un short berde cana pasa.

Nan tabata unico personanan cu n'e momento ey, tabata eybanda. E no conoce e hendenan. Polis a tuma keho di destruccion. Polis a busca den bisindario, pero no a topa cu e personanan. Supuestamente nan a bay sconde.

Homber a rabia pasobra e no a haya rom

CENTRAL a manda Polis diabierna 13.20, na Home Best Supermarket pa un maltrato. Eynan e homber W. a bisa cu un homber a bin cumpra un boter di rom Palmera pero e tabata falta dos florin y no a haya e boter. E homber a rabia y a menasa di kima e supermarket. Ora cu W. a bay saca foto di e homber, el a ranke na su garganta y despues a invite pa bringa pero a bay den su auto for di e sitio.

Ta trata di un pickup blanco A-22045. E number tabata registra riba un Toyota Hilux blanco riba number di e homber A.W. Segun W. e tin mas omenos un aña sin mira e homber. Polis a bise p'e bay duna keho na Recherche.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

"Señor ta mi wardador mi'n tin falta di nada
Den cunucu di yerba berde e ta pone mi sosega
E ta hiba mi na awa trankil, Pa mi bolbe haya forza".

Cu inmenso tristesa den nos curason,
pero conforme cu e boluntad di Dios
nos ta anuncia fayecimento di



Feliciano Dominico Kock

Mihor conoci como "Felow"
*21-12-1949 - 07-10-2015

Na number di su
rumannan:

Bito Kock y yiunan
Linda y Dolfi Maduro y famia
Choinda y Elio (Eddy) Kelly y famia
Elivia Henricus y yiunan
Donni Kock y yiu
Win Kock y yiu
Eda Kock y yiu
Judith y Clayde Lacle y famia
Dichi y Grace Kock y famia

Subrinanan y subrinonan: Giovanni Kock, Giancarlo Kock, Omar y Nohora Maduro y fam., David y Crismar y fam., Jasmine Kelly y Pablo Croeze, Angelique y Maikel Perez, Eurvin Kelly y Lili Krozendijk y fam., Karen y Eddison Mademilia, Kirsten y Minguellito Conquet (Bonaire), Nick van Kimmenade (Hulanda), Shureima Wernet (Hulanda), Lizmaury Kock y Leandro Perez, Kathy y Josue Kelly y fam., Joseph Lacle, Rebecca Kock, Rosecianne Kock, Rexylaine Kock.

Su bon amigonan: Jessy, Marline, Oscar, Vilma y George, Wicho y Daisy, Dichi, Mouse, Roy, Stanley, Eric, Rudolph, Dito, Juni, Calin, Frenk, Edwin, Duffy.

Demas amigo, prima y primo y famia, bisinja y conócir.

Oportunidad pa condolencia y pa despedi di e defunto:
Diasabra 10 di October 2015 di 2 or pa 4 or di atardi na Aurora Funeral Home. Despues lo wordo crema den seno familiar.

Adres pa condolencia: Sero Pita 23-D



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Agradecido na tur locual el a nifica pa nos y conforme
boluntad di Dios, a bai sosega den braza di Señor



ALBERTO MAGNO ARENDS

Mihor conoci como "BUCHI ILDO"
*26-09-1931 †04-10-2015

Na number di su

Casa:

Rumannan:

†Modesta Arends-Mejia y juinan
†Damian Arends y famia
Dominico Arends
†Basilio Arends y famia
Imelda Webb y famia
Carmen Boekhoudt y famia
Anna Kelly y famia
Henricus Arends
†Pedro Arends y famia

Sobrina y sobrinonan, primo y primanan,
swa y cuñanan, comer y compernan, ihanan,

Bon amigonan di cas: Margarita y Nelson, bisinja y amistadnan
Demas famia: Arends, Faro, Mejia, Webb, Boekhoudt, Kelly, Giel, Farro, Curiel, Escobar, Abreu, Palm, Saladin, Antoinette, Giron, Olieslager, Hoyer, Wever Timmermans, Lacle, Arcaya, Tromp, de Cuba, Ridderstap.

Nos ta pidi disculpa si den nos tristeza nos por a lubida un of mas famia.

Oportunidad pa condolencia y pa despedi di e difunto :
Diasabra 10 di October 2015 pa 9:00 am na Aurora Funeral Home. Sigui pa un misa na Aurora mes y despues lo continua cu e acto di Cremacion den seno familiar mas sercano.
Nos ta lamenta cu despues di cremashon nos no por ricibi bishita di condolencia na cas.

Hobennan ta admiti cu nan a horta cos

CENTRAL a manda Polis diahuebs 12.59, na Sabana Basora pa un pelea. Eynan a resulta cu cuatro mucha homber a wordo gara cu cosnan horta y nan a admiti esey. E articulonnan horta a wordo confisca. E sospechosonan ta M., C., W. y DLC a keda deteni.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Senor ta mi Wardador, mi'n tin falta di nada;
Den cunucu di yerba berde E ta pone mi sosega. E ta hiba mi
na awa trankil, pa mi bolbe haña forza. Salmo 23

Cu hopi tristesa den nos curason, pero conforme cu Dios Su
boluntad nos ta anuncia fayecimento inesperadamente di:



Jamilla Somaira Mathilda

Miho conoci como "Mia of Mimin"
*16 -11-1966 †03-10-2015

Na number di su mayornan:
Edwin Renilio "Eddy" y †Carlina Mathilda Bargues

Concubina: Thomas "Tommy" Dania

Yiunan: Jadirah Albertsz y Xavier Kelly y famia
Jaïndrah Albertsz y famia
Jamirah Albertsz
Kendrick y Richeline Dania-Kock y famia

Nietonan: Jacquemard, John-Harvey y Bernard Sleur.
Jaivjon Albertsz.

Rumannan: Ivis Mulder y †Johannes Mulder-Mathilda y famia
Nirva Mathilda y famia
Isolda y Leo Roland Bernabela-Mathilda y famia

Tanta y omonan: Pastora y †Thomas Koolman-Bargues y famia
Bruno y Milda Bargues-Raven y famia
Beatrix y †Wim Joon-Bargues y famia
Marlen Mathilda y famia
Agusto Mathilda y famia

Subrina y subrinonan stima na Aruba y Hulanda
Primo y primanan na Aruba, Curacao, Hulanda y Venezuela
Suegro y Suegra: Eloy y Sira Dania-Everon

Swa y Cuñanan: Evelina y Johnny Velten-Dania y famia
Sonia y Edwin Ridderstap-Dania y famia
Loycito y Elda Geerman-Dania y famia
Jahaira y Abraham Wvres-Dania y famia

Manera mama: Beatrix Wolff y famia
Madrinanan: Pastora Koolman y Mari Velasquez

Iha: Ruchennel Coffie

Comper y Comer, Bisiñanan, Amigonan di FAVI
Famia: Mathilda, Dania, Albertsz, Sleur, Kelly, Bargues, Boom,
Mulder, Bernabela, Koolman, Joon, Raven, Velten, Wvres,
Ridderstap, Winterdal, Tromp, Ricardo, Petronilia, Brokke,
Franken, Matthew, Wolff, Tabares, Velasquez, Gonzales, Avila,
Jacobs, de Cuba, de Vries.

Ta invita pa e acto di entierro cu lo tuma luga Diasabra 10
october 2015. E restonan mortal lo reposa den Pro Catedral
San Francisco de Asis na Oranjestad for di 2:00-4:00pm,
despues lo sali pa Santana Catolico na Paradera. Lo tin un box
pa donacion si ta desea na luga di krans.

Adres pa condolencia: Aurora Funeral Home, diabierna 9
october 2015 di 7:00-9:00pm.
Famia ta pidi disculpa si nos por a lubida di menciona un of
otro famia den nos tristesa.

Mental health BEGINS WITH *Me*



**OCTOBER 10 | WORLD MENTAL
HEALTH DAY**

Bazaar "Fiesta Kibrahacha" ta na caminda

CLUB Kibrahacha 60+ ta invita pueblo di Aruba en general pa bin nos Bazaar cu lo ta 1 di november 2015.

E bazaar cu despues di e ultimo di aña pasa, nos pueblo ta ansioso p'e siguiente.

Nos ta pidibo pa reserva e dia 1 di november aki pa bo no falte.

Nos bazaar lo ta super bon surti cu algo pa cada edad. Di chikito bay grandi. Wega pa mucha, cuminda, minimarket, rommelmarkt, mata, musica, baile y hopi mas.

Reserva Diadomingo 1di november pasobo tin un compromiso cu nos grandinan di Club Kibrahacha.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento / Invitashon

Famia kier a gradici tur cu di un of otro manera cu a sostene nos durante entiero di :



José C. Jansen
"Jossy"

Alavez nos kier a invita famia, amigo y conocirnan pa asisti na un Santo Sacrificio di misa dialuna 12 oktober 2015 pa 7'or di anochi na misa di Paradera.

Boso presencia lo ta altamente aprecia.



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Dankbetuiging

"Niets is zinloos wanneer het een mooie herinnering nalaat"

Lieve mensen, familie, naaste vrienden, kennissen, huisarts Dr. M. Wever en ass. Jocey, verpleegkundigen, de specialisten o.a. Dr. C. Lacle, Dr. E. Caceres, Dr. R. Raven, Dr. A. Jonkhoff en personeel Oncologie,

Uw medeleven voor en na het overlijden van mijn geliefde echtgenoot, onze vader, groot- en overgrootvader

Jacobus Willem Gesterkamp

~ Cody / Opa Cody ~

en overweldigende belangstelling bij de afscheidsdienst, maken het voor ons heel moeilijk u allen hiervoor persoonlijk te bedanken.

De vele lieve reacties en steunbetuigingen zijn een grote steun voor ons bij de verwerking van dit grote verlies. Op deze wijze willen wij u hiervoor bedanken.

Namens de familie Gesterkamp en overige familieleden



Cumana 76
Oranjestad, Aruba
Tel: 588-6699
Fax: 588-6698
Cel : 593-0857 / 560-1403

Gradicimento

Na nomber di su Yuinan, Ruman, Nieto(a)nan, Bisanieta(a)nan, Sobrino(a)nan y demas Famia, nos kier a gradici tur famia, amigo y conocirnan pa nan atencion, apoyo y presencia na fayecimento di nos Tata, Welo, bisawelo y Omo stima,



Sr. Mario Jacobo Danies

Na tur esnan cu a manda flor krans y telegram. Un Danki di curason pa boso atencion y presencia. Danki tambe na Aurora funeral Home pa nan atencion y bon servicio.

Alaves nos kier a extende un invitacion pa 3 Santo Sacrificio di Misa na misa Santa Filomena na Paradera riba:

Diadomingo 11 oct. 2015 pa 5:30 pm

Diamars 13 Oct. 2015 pa 7.00 pm

Diahuebs 15 Oct. 2015 pa 7.00 pm

MASHA DANKI PA TUR ATENCION.



Aruba Airport Authority N.V. ta anuncia fayecimento di

Sra. Maria Magdalena Koolman-Schwengle

Mama di nos colega Robert Koolman
Acto di entiero lo tuma lugar Diasabra, 10 di Oktober, 2015 for di 2'or di merdia na Ad Patres Funeral Home.

Nos ta desea Robert y demas famia hopi forza den e momentonan dificil aki.